



Broj: 02-50-1-16-22/08
Sarajevo: 29.10.2008. godine

**BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM**

PREDMET: Obavještenje

Dom naroda Parlamentarne skupštine BiH, na 22. sjednici, održanoj 27.10.2008., razmatrao je sljedeće tačke dnevnog reda:

1. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga zakona o izmjenama i dopunama Zakona o zaštiti prava pripadnika nacionalnih manjina po hitnom postupku, u skladu s članom 122. Poslovnika;
2. Zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku za razmatranje Prijedloga odluke o izmjenama i dopunama Odluke o osnivanju Vijeća nacionalnih manjina BiH po hitnom postupku, u skladu s članom 122. Poslovnika;
3. Prijedlog zakona o izmjenama i dopunama Zakona o carinskoj politici BiH (drugo čitanje), predlagač: Vijeće ministara BiH;
4. Prijedlog zakona o izmjenama i dopunama Zakona o sportu u BiH (prvo čitanje), predlagač: Ustavnopravna komisija;
5. Prijedlog zakona o programu zaštite svjedoka u BiH (prvo čitanje), predlagač: Vijeće ministara BiH;
6. Prijedlog zakona o genetski modificiranim organizmima (prvo čitanje), predlagač: Vijeće ministara BiH;
7. Prijedlog zakona o izmjeni Zakona o klasifikaciji djelatnosti u Bosni i Hercegovini (prvo čitanje), predlagač: Vijeće ministara BiH;
8. Prijedlog zakona o izmjenama i dopunama Zakona o proizvodnji naoružanja i vojne opreme (prvo čitanje), predlagač: Vijeće ministara BiH;
9. Prijedlog zakona o popisu stanovništva i domaćinstava u Bosni i Hercegovini 2011. godine (prvo čitanje), predlagač: delegat Slobodan Šaraba;
10. Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.9.2007. do 29.2.2008.;
11. Prijedlog zaključaka sa 10. plenarne sjednice oba doma Parlamentarne skupštine BiH, održane 30.7.2008., u vezi s realizacijom obaveza iz Sporazuma o stabilizaciji i pridruživanju;
12. Informacija o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine;
13. Razmatranje mogućnosti nastavljanja procedure za imenovanje ombudsmena za ljudska prava BiH i zamjenika generalnog revizora iz bošnjačkog naroda;
14. Davanje saglasnosti za ratifikaciju Sporazuma o stabilizaciji i pridruživanju između Evropskih zajednica i njihovih država članica i Bosne i Hercegovine;

15. Davanje saglasnosti za ratifikaciju Sporazuma između Bosne i Hercegovine i Kraljevine Danske o olakšicama prilikom izdavanja viza;
16. Davanje saglasnosti za ratifikaciju Sporazuma između Bosne i Hercegovine i Kraljevine Norveške o olakšicama prilikom izdavanja viza;
17. Davanje saglasnosti za ratifikaciju Sporazuma između Bosne i Hercegovine, koju predstavlja Ministarstvo civilnih poslova BiH, i Komonvelta Australije, koju predstavlja Ministarstvo zdravlja, vezano za određena prava korištenja AR – DRG sistema klasifikacije;
18. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Hrvatske za 2007. godinu na osnovu instrumenata za pretpristupnu pomoć – Komponenta II prekogranična saradnja;
19. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u pogledu prekograničnog programa između Bosne i Hercegovine i Republike Srbije za 2007. godinu na osnovu instrumenata za pretpristupnu pomoć – Komponenta II prekogranična saradnja;
20. Davanje saglasnosti za ratifikaciju Sporazuma o finansiranju između Bosne i Hercegovine i Komisije Evropskih zajednica u vezi s nacionalnim programom za 2007. godinu u okviru instrumenta za pretpristupnu pomoć – Komponenta za pomoć u tranziciji i izgradnji institucija;
21. Davanje saglasnosti za ratifikaciju Konvencije o dostavljanju u inozemstvo akata u građanskim i trgovačkim stvarima, Hag, 15. novembra 1965.;
22. Davanje saglasnosti za ratifikaciju Konvencije o pribavljanju u inozemstvu dokaza u građanskim i trgovačkim stvarima, Hag, 18. marta 1970.;
23. Davanje saglasnosti za ratifikaciju Sporazuma o izmjenama i dopunama broj 1 na Ugovor o zajmu, od 1. augusta 2006., između Bosne i Hercegovine i Evropske banke za obnovu i razvoj – Projekat upravljanja zračnim saobraćajem;
24. Davanje saglasnosti za ratifikaciju Sporazuma o zajmu, finansiranju i projektu između KfW Frankfurt na Majni i Bosne i Hercegovine i Elektroprivrede Hrvatske zajednice Herceg Bosne (EP HZHB) – Obnova Hidroelektrane Rama;
25. Davanje saglasnosti za ratifikaciju Memoranduma o razumijevanju o institucionalnom okviru za Inicijativu za prevenciju i pripravnost za katastrofe u Jugoistočnoj Evropi;
26. Davanje saglasnosti za ratifikaciju Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
27. Davanje saglasnosti za ratifikaciju Administrativnog sporazuma za provođenje Sporazuma između Bosne i Hercegovine i Republike Mađarske o socijalnom osiguranju i socijalnoj sigurnosti;
28. Davanje saglasnosti za ratifikaciju Protokola iz Kartagene o biosigurnosti uz Konvenciju Ujedinjenih naroda o biološkoj raznolikosti.

Ad. 1,i 2

Dom naroda usvojio je zahtjev Zajedničke komisije za ljudska prava, prava djeteta, mlade, imigraciju, izbjeglice, azil i etiku iz ovih tačaka, a nakon toga su usvojeni:

- Zakon o izmjenama i dopunama Zakona o zaštiti prava pripadnika nacionalnih manjina i
- Odluka o osnivanju Vijeća nacionalnih manjina BiH

Ad. 3.

Dom naroda jednoglasno je usvojio Zakon o izmjenama i dopunama Zakona o carinskoj politici BiH u identičnom tekstu kao i Predstavnički dom.

Ad. 4. do 8.

Dom naroda usvojio je u prvom čitanju:

- Prijedlog zakona o izmjenama i dopunama Zakona o sportu u BiH
- Prijedlog zakona o programu zaštite svjedoka u BiH
- Prijedlog zakona o genetski modificiranim organizmima
- Prijedlog zakona o izmjeni Zakona o klasifikaciji djelatnosti u Bosni i Hercegovini
- Prijedlog zakona o izmjenama i dopunama Zakona o proizvodnji naoružanja i vojne opreme

Ad. 9.

Dom naroda usvojio je Izvještaj nadležene komisije koja nije prihvatila principe predloženog zakona, pa je samim tim zakon pao.

Ad. 10.

Dom naroda usvojio je Izvještaj o učešću pripadnika Oružanih snaga, policijskih i državnih službenika BiH u operacijama podrške miru za period od 1.9.2007. do 29.2.2008., sa Mišljenjem Zajedničke komisije za odbranu i sigurnost, kao i zaključak sadržan u Mišljenju Zajedničke komisije koji glasi:

„Budući da je Izvještaj ponovo dostavljeno uz znatno kašnjenje, izražava se nezadovoljstvo zbog nepoštivanja rokova za izvještavanje od nadležnih institucija, što je neophodno promijeniti u narednom periodu, tako što će se za svaki izvještajni period biti obavezno dostavljanje izvještaja u parlamentarnu proceduru u roku od 60 dana nakon isteka izvještajnog perioda.“

Ad. 11.

Dom naroda je, na prijedlog Zajedničke komisije za evropske integracije, koja je razmatrala zaključke predložene na 10. plenarnoj sjednici oba doma Parlamentarne skupštine BiH, održane 30.7.2008., u vezi s realizacijom obaveza iz Sporazuma o stabilizaciji i pridruživanju, usvojio sljedeće zaključke sadržane u Mišljenju komisije:

1. Parlamentarna skupština BiH zadužuje Vijeće ministara BiH da, najkasnije u roku od 30 dana, Predstavničkom domu i Domu naroda dostavi na razmatranje Akcioni plan za provođenje obaveza iz Privremenog sporazuma i Sporazuma o stabilizaciji i pridruživanju s detaljnim mjerama, preciznim rokovima i nadležnim izvršiocima, te koje institucionalne pretpostavke treba stvoriti da se ove obaveze realiziraju.
2. Parlamentarna skupština BiH usvojiti će dio Akcionog plana koji se odnosi na provođenje dijela obaveza iz SSP-a koje su u nadležnosti institucija BiH. Parlamentarna skupština BiH poziva entitetske parlamente da usvoje Akcioni plan provođenja obaveza iz SSP-a za koje su nadležne entitetske institucije.
3. Parlamentarna skupština BiH zadužuje Vijeće ministara BiH da, najkasnije u roku od 30 dana, Predstavničkom domu i Domu naroda dostavi na razmatranje Akcioni plan za realizaciju prioriteta iz Evropskog partnerstva sa BiH sa specifičnim mjerama, preciznim rokovima i konkretnim izvršiocima.
4. Parlamentarna skupština BiH zadužuje Vijeće ministara BiH da Predstavničkom domu i Domu naroda kvartalno podnosi izvještaj o realizaciji akcionih planova iz tač. 1. i 3., a ažurirani plan jednom godišnje.
5. S ciljem efikasnijeg rada i korištenja raspoloživih kadrova, oba doma PSBiH izmijenit će svoje poslovničke u smislu objedinjavanja posebnih u zajedničke komisije, gdje je to moguće, i skraćivanja zakonodavne procedure za zakone povezane s evropskim integriranjem.
6. Parlamentarna skupština BiH poziva Evropsku zajednicu da Bosni i Hercegovini, Crnoj Gori, Srbiji i Albaniji što prije dodijeli status kandidata i otvori pregovore o članstvu, što bi

pospiješilo daljnje reformske aktivnosti i regionalnu saradnju i ubrzalo put ovih zemalja ka članstvu u EU.

Ad. 12.

Dom naroda jednoglasno je primio k znanju Informaciju o krivičnim djelima protiv života i tijela, s naglaskom na nasilje u porodici za 2006. i 2007. godinu, te tendencijama u prva tri mjeseca 2008. godine sa sljedećim zaključcima:

„Dom naroda obavezuje Ustavnu pravnu komisiju da učestvuje u proširenoj (javnoj) raspravi, te nakon njenog završetka, dostavi Domu naroda rezultate proširene rasprave radi informisanja“.

„Dom naroda Parlamentarne skupštine Bosne i Hercegovine traži da Visoko sudsko i tužilačko vijeće ispita slučajeve procesuiranja krivičnih djela nasilja u porodici a u skladu sa Informacijom Ministarstva sigurnosti broj:06-04-10-3968/08 od 18.9.2008. godine posebno sa aspekta neefikasnog procesuiranja ovih krivičnih djela od strane Kantonalnog tužilaštva u Sarajevu (strana 10. Informacije), te da se u skladu sa tom analizom preduzmu odgovarajuće mjere u cilju zaštite žrtava ovih krivičnih djela i poštivanja prava na suđenje u razumnom roku iz člana 6. Evropske konvencije o zaštiti ljudskih prava i temeljnih sloboda“.

Ad. 13.

Dom naroda usvojio je zaključak da se pristupi postupku usaglašavanja različitih odluka Predstavničkog doma i Doma naroda koji glasi:

1. S obzirom da ovo pitanje nije regulisano Poslovnikom, Dom naroda, u skladu sa članom 158. Poslovnika Doma naroda, pristupa postupku usaglašavanja različitih odluka
2. U tu svrhu Dom naroda imenovat će po tri člana u zajedničku komisiju za usaglašavanje

Dom naroda imenovao je po tri člana u zajedničke komisije oba doma i to:

- u Zajedničku komisiju radi usaglašavanja imenovanja ombdusmena za ljudska prava BiH imenovani su: Hazim Rančić, Branko Zrno i Drago Ljubičić.
- u Zajedničku komisiju radi usaglašavanja imenovanja zamjenika generalnog revizora iz bošnjačkog naroda imenovani su: Alma Čolo, Ivo Miro Jović i Drago Ljubičić.

Ad. 14. do 28.

Dom naroda jednoglasno je dao saglasnost za ratifikaciju sporazuma iz ovih tačaka dnevnog reda.

S poštovanjem,

**PRVI ZAMJENIK
PREDSJEDAVAJUĆEG
DOMA NARODA**
Ilija Filipović, dipl.iur